

Faenh Gangjmingz Gvendaengz 《Aen Gietdingh Cunghgung Cunghyangh Gvendaengz Caiq Cienzmienh Gyalaeg Gaijgwz, Doihaeuj Gij Yendaiva Yiengh Cungguek》

Siz Ginbingz

Gak boux dungzci:

Cunghyangh Cwngcigiz dak hawj gou youq gwnz cienzhoih gangjmingz gij cingzgvang mizgven dajgauj 《Aen Gietdingh Cunghgung Cunghyangh Gvendaengz Caiq Cienzmienh Gyalaeg Gaijgwz, Doihaeuj Gij Yendaiva Yiengh Cungguek》.

It、Doekdingh Aen Lwnhdae Cienzhoih Aeu Ngeixnaemj Gijmaz

Hopheux gij cungsime yinvu aen Dangj bae maeuzveh caeuq baijbouh gaijgwz, dwg gij gingniemh dijbauj aen Dangj lingjdauj gaijgwz hailangh. Daj gij gingniemh saedguh caeuq gij aeuyungh yienhsaed bae ngeixnaemj, Cunghyangh Cwngcigiz gietdingh Baez Sam Cungh Cienzhoih Gaiq Ngeihcib aen Dangj yenzgiu gij vwndiz caiq cienzmienh gyalaeg gaijgwz, doihaeuj gij yendaiva yiengh Cungguek, cujyau ngeixnaemj geij fuengmienh lajneix.

Daih'it, neix dwg gietcomz simvunz,gyonjcomz rengzvunz, guhcaez gij cungsime yinvu seizdaih moq gwnz roen moq aen Dangj gaenj aeu baenzneix guh. Saedguh gaenq cwngmingz liux, youq aen seizgeiz moq gaijgwz hailangh caeuq hwnqguh sevei cujyi yendaiva, guek raeuz ndaej byaij yamq hung gyaep hwnj seizdaih, couh dwg baengh gaijgwz hailangh. Cibbet Daih aen Dangj doxdaeuj, gij saehnieb Dangj

caeuq guekgya ndaej miz gij cwngzciu hab geiq haeuj lizsij,guh ok gij bengwz hab geiq haeuj lizsij, hix dwg baengh gaijgwz hailangh. Youq seizdaih moq gwnz roen moq, yaek hawj hwnqguh gij yendaiva yiengh Cungguek haicauh aen buenzmienh moq, vanzlij aeu baengh gaijgwz hailangh. Ngeihcib Daih aen Dangj laebdingh le gij cungsime yinvu aeu cienzmienh hwnqbaenz aen guekak sevei cujyi yendaiva, aeu guhbaenz gij moegbiu buekguh aen bak bi daihngeih, aeu yungh gij yendaiva yiengh Cungguek bae cienzmienh doi hawj Cunghvaz Minzczuz fukhwng hungmbwk, lwnhgangj le gij yendaiva yiengh Cungguek miz maz daegsaek Cungguek, miz maz bonjcaet iugouz, miz maz yenzcwz hungnaek daengj, doiq doihaeuj gij yendaiva yiengh Cungguek guh'ok canloz baijbouh. Aeu caencingq yungh ndei gij canloz baijbouh neix, hawj gij yendaiva yiengh Cungguek daj mbaw lamzdoz bienqbaenz huqsaed, goekgaen de dwg aeu caiq cienzmienh gyalaeg gaijgwz, mboujduenh laebndei gij diji gihei gak fuengmienh, daj gwnz cidu bae baujcaeng gij yendaiva yiengh Cungguek ndaej coi guh baenaj.

Daihngaih, neix dwg laebndei caeuq hwnghat aen cidu sevei cujyi miz gij daegsaek Cungguek,coi hawj aen diji ceihleix caeuq gij naengzlig ceihleix guekgya hab yienhdaih gaenj aeu baenzneix guh. Cibbet Daih aen Dangj doxdaeuj, raeuz lai cuengq

rengz haeuj laebndei cidu diuz cawjsienq neix, doenggvaq cienzmienh gyalaeg gaijgwz bae laebndei gij cidu gak fuengmienh, doi hawj yiengh cidu sevei cujyi miz gij daegsaek Cungguek engqgya caezcienz engqgya dinghyienh, hawj aen diji ceihleix caeuq gij naengzlig ceihleix guekgya engqgya hab yienhdaih bae, daj gwnz cidu mizrengz bae baujcaeng cienzmienh hwnqbaenz aen biengz siujgangh. Doengzseiz, aeu singjsag raen daengz, laebndei yiengh cidu sevei cujyi miz gij daegsaek Cungguek dwg aen gocwngz bienqvaq ndeu, itdingh yaek riengz saedguh hwnghat cix mboujduenh hwnghat, gij cidu gaenq miz aeu laebcaez roengzbae, lingjiy moq saedguh moq aeu doicaenh cauhoq cidu, dienzbouj gij cidu caengz laeb de. Najdoi q gij hingzseiq moq caeuq yinvu moq, bietdingh aeu caiq cienzmienh gyalaeg gaijgwz, laebdaeb laebndei gij cidu gihei gak fuengmienh, gyamaenh goekdae, langh'ok giindei, boujcaez gaiq dinj, guh'ak giz nyieg, mboujduenh hawj giindei cidu guek raeuz engq ndei cienjvaq baenz gij yauqnaengz ceihleix guekgya.

Daihsam, neix dwg nyoengx hawj caetliengh sang bae hwnghat, engq ndei hab'wngq gij cujyau mauzdun ndawbiengz guek raeuz bienqvaq gaenj aeu baenzneix guh. Seizneix, nyoengx hawj caetliengh sang bae hwnghat roeb daengz gij vwndiz youqgaenj de ciuqyiengh dwg hwnghat mbouj doxdaengh mbouj gaeuq doh. (cienj banj 4)

(ciep banj 2)

Cienzhoih ceijok, dangqnaej caeuq baezlaeng mboengq ndeu, hag ndei hengz ndei gij cingsaenz cienzhoih dwg hangh cwngci yinvu youqgaenj daengx Dangj daengx guek ndeu. Aeu haeujlaeg hagsib roxyiuj gij cingsaenz cienzhoih, laegdaeuq roxyiuj caeuq gaemndei gij cawjdae, yenzcwz hungnaek, banhfap hungnaek, gaenbonj baujcingq gaiq hong caiq cienzmienh gyalaeg gaijgwz. Daengx Dangj gwnzlaj cungj aeu caezsim gaprengz ca ndei gaiq hong gvancez doeksaed 《Gietdingh》, dawz gij canloz baijbouh caiq cienzmienh gyalaeg gaijgwz cienj baenz nga rengz hungloet doinyoengx gij yendaiva yiengh Cungguek.

Cienzhoih faensik le gij hingzseiq caeuq yinvu seizneix, daegbied gangj daengz aeu giendingh mbouj bienq guhbaenz aen moegbiu daengx bi ginghei sevei fazcanj. Aeu ciuq Dangjcunghyangh gij gezcwz baijbouh gvendaengz hongsaeh ginghei, doeksaed ndei gij cwngcwz hungzgvanh, lai bae gyadaih ndaw guek aeuyungh, yawj dieg dingh geiq bae hwnghat yiengh swngchcanjliz akmoq, gyavaiq gunghanq gij rengz moq guh vaimou, netsaed doicaenh yiengh hwnghat loegsaek danqnoix, caensaed baujcaeng caeuq gaijndei gwndaenj beksingq, gyamaenh gyalai doengh yiengh haengrengz duetgunz guh ndaej baenz de. Aeu cungjgez bingzguj "cibsei q haj" gveihva doeksaed ndaej ndei mbouj ndei, caencingq guhndei gij hong daezgonq maeuzveh "cibhaj haj" gveihva.

Cienzhoih ceijok, aeu gyoebyonj maeuzveh

hwnghat caeuq ancienz, doeksaed ndei gak hangh guhfap fuengzre vaqgej gij fungyiemj ndaw lingyiz cungdenj baudaengz fangzdicanj, ngaenzcaiz deihfueng cwngfuj, ginhungz gihgou rauh iq daengj, yiemzgek doeksaed gij cwzyin ancienz swngchcanj, laebndei doengh gij banhfap gamcaek, fuengzhaed caihaih mbwnbaenz daegbied dwg raemxrongz raemxdumh, san maed fan muengx fuengzre gaemhanh gij fungyiemj ndawbiengz ancienz, caensaed henhoh ndawbiengz onjdingh. Aeu lai roengzrengz dazyinx ndei baklinx, mizyauq fuengzre vaqgej gij fungyiemj yisiz hingzdai. Aeu mizyauq wngqdoi q gij saeh yiemj saeh nyex baihgrog, dazyinx ceihleix lajmbwn, gagrox bae cauxok gij vanzging baihgrog ndeileih raeuz.

Cienzhoih daegbied gangj daengz, aeu giethab gaiq hong hagsib senhconz gvancez gij cingsaenz cienzhoih, ca ndei gaiq hong aeu gij lijun cauhoq aen Dangj daeuj cang'uk, hawj daengx Dangj engq roxyiuj Majgwzsw Cujyi caeuq engq miz bonjsaeh hwnqguh yendaiva. Aeu laebcaez aen diji cienzmienh yiemzhaeng guenj Dangj, caensaed bae gaijndei cozfung, cawzseuq hingzsiz cujyi, gvanhliuz cujyi gij binghnyangq neix, laebdaeb gemjmbaeu diuzrap gihcwngz, haeujlaeg doinyoengx dangifungl lenzcwng gensez caeuq fanj nduknaeu doucwng guh baenaj, netsaed guhndei gij hong liebyawj. Aeu gyamaenh mbe'gvangq gij doenghyienh cujdiz gyauyuz guh ndaej baenz de, gyalaeg bae hagsib sonrox gij gijliz aen Dangj,

henhoh aen Dangj doxgiet caezsim, mboujduenh hawj Dangj lai ak bae cauhguh, lai ndaej gietcomz, lai ak dwkhoenx.

Cienzhoih ciuq gij gvidingh dangjcaengh, gietdingh dembouj Dingh Yangginz, Yiz Lizginh, Yiz Gizhungz doengh boux vejyenz deqbouj Cunghyangh Vejyenzvei neix dang boux vejyenz Cunghyangh Vejyenzvei.

Cienzhoih gietdingh, ciepsouh aen sinhcingj Cinz Gangh dungzci swzbae cizvu, mienxbae Cinz Gangh dungzci dang boux vejyenz Cunghyangh Vejyenzvei.

Cienzhoih saemjlnh caemhcai q doenggvaq le Cunghgung Cunghyangh Ginhsw Vejyenzvei faenh saemjcaz baugau gvendaengz Lij Sangfuz, Lij Yicauh, Sunh Ginhmingz famh gijliz famhfap youqgaenj, doekdingh aen cawqfaen haicawz gij dangjeiz Lij Sangfuz, Lij Yicauh, Sunh Ginhmingz Cunghyangh Cwngcigiz youq gaxgonq guh'ok haenx.

Cienzhoih iuheuh, daengx Dangj daengx ginh daengx guek gak cuz yinzminz aeu engqgya gaenjmaed hopheux youq seiqhenz aen Dangjcunghyangh aeu Siz Ginbingz dungzci guh goek neix, yaengxsang fangeiz gaijgwz hailangh, comz sim comz rengz, haenqheiq guh baenaj, vih cienzmienh hwnqbaenz aen guekak sevei cujyi yendaiva, guhbaenz gij moegbiu buekguh aen bak bi daihngeih, aeu gij yendaiva yiengh Cungguek bae cienzmienh doicaenh Cunghvaz Minzczuz fukhwng hungmbwk cix haengrengz buekguh!